

**BELATUK BESAR
TENGGUK KUNING**
Greater Yellownape

FAMILI: Picidae
NAMA SAINTIFIK: *Picus flavinucha*



CIRI-CIRI

Individu dewasa bagi spesies ini adalah bersaiz besar dengan jambul yang berwarna kuning, bahagian atas kepala berwarna oren kemerahan yang lusuh, bahagian atas badan berwarna hijau buah zaitun, tekak berwarna kuning, bahagian bawah tekak dan bahagian atas dada berwarna putih dengan terdapat jalur-jalur hitam yang tebal, bahagian tepi kepala dan dada berwarna hijau buah zaitun gelap. Lain-lain bahagian bawah badan adalah berwarna hijau buah zaitun keputihan. Bagi burung betina, bahagian belakang kepala berwarna hijau buah zaitun, bahagian pipi berwarna coklat buah berangan kemerahan lusuh, bahagian atas tekak terdapat jalu-jalur kehitaman dan putih. Bagi burung juvenil, bahagian bawah badan adalah agak pudar, mungkin ada jalur-jalur hitam pucat di bahagian perut; burung juvenil jantan mempunyai warna hijau buah zaitun di bahagian atas kepala, tekak kuning. Anggaran saiz bagi burung dewasa adalah di antara 31.5-35.0 sm.

HABITAT

Spesies ini boleh dijumpai di kawasan hutan tanah pamah dan hutan tanah tinggi. Ia boleh di jumpai sehingga ketinggian 2,745 m dari aras laut (atas 915 m dari aras laut di Semenanjung Malaysia).

BUNYI

Burung ini mengeluarkan bunyi yang laju *kwee-kwee-kwee-kwee-kwee-kwee-kwi-kwi-kwi-wi-wi-wi-wi-wi-wik*. Kadang kala ia mengeluarkan bunyi yang kuat *kyau* atau *kiyaep*.

PEMBIAKAN

Musim pembiakan bagi spesies ini adalah dari bulan Februari hingga bulan Mei pada sepanjang tahun. Sarangnya adalah lubang yang di korek pada pokok dan ketinggian sarang adalah dari 2-6 m dari aras tanah. Burung betina boleh menghasilkan 2-4 biji telur pada setiap kali ianya bertelur dan telur adalah berwarna putih. Anggaran saiz telur adalah 28.8 x 22.2 mm.

STATUS

Akta 76/72, dilindungi sepenuhnya.